

an Fer s'la Stura

ANT L 1856

Viva I courage ..., l'attività D I Sindie Ciora d'nostra Sittà! Autour d'un'opera ch'a ricordra Per sempre ai posteri so nom pregia

> Naldlissimi civis est Patria xua llignicuta cogitare.

> > Cass. Lib. 3. Ep. 10.

FANTASIA PIEMONTEISA

D'L COMPATRIOT

CARLIN POVIGNA

te terrines et asperis laboribus fructus capitor dule ssimus cas mit regregia, non nisi magno contingunt labore.

Non potest quis pramium accipere, uisi legitime certaverit.

Nec gloriosa victoria, dist ubi fuerint laboriosa certamina.

TECA MALDURA

LING.

AR

31

SITA' DI PADOVA

SAMIGELANO TIPOGRAPIA RACCA E BRESSA

To creso che a quest ora por hoye Jaron convento the now ero per lante grave il dellatto di un twentatuato pul ter forvivorame ofthe farme and and internity simprovero alla fica huona maire Jothen informicia e farmene fare parimentia Lolito stor entre mella tra mi suchavist i mal sochi este

Dell' de l'Attalo invero l' perche io esta tantama is find and of the last no bambine of a serve cites e tre it latte della graffe la baila é troppe cacchio Stiadato e di niffem nutrimento ma & cho por rutrira rinsigorilla quarinta proce to the bimber grovava, lo Sicalota continuamostoris cubla Morarlas, on appointante constridente ma conorgante grantleng mes congrarle in vece alter balia i wines grande grape My pricordia o almonos in frequenti, attrimenti continueve coparabbiarno ma detto! la baliache era mandale al Solito ad aprothers all'usio Vella camera do tha matrice quandors vénisa a vederla, e dove is Vicio indiffictile finento

R

LR it. 9 c sup. TO \$\$76463\$ REC 25469

ALLELUJA... OH FINALMENT ? ? ?

's Pont an Fer s' sa Stura

D' CHERASC

ANT 'L 1856

Viva'l courage,...l'attività D'I Sindic *Ciora* d'nostra Sittà! Autour d'un'opera ch'a ricordrà Per sempre ai posteri so nom pregià.

Nobilissimi civis est Patriæ suæ
 Augmenta cogitare.
 Cass. Lib. 3. Ep. 10.

FANTASIA PIEMONTEISA

D'L COMPATRIOT

CARLIN POVIGNA

Et tristibus et asperis laboribus fructus capitur dulcissimus.
 Quæ sunt ægregia, non nisi magno contingunt labore.
 Plutarc.

Non potest quis præmium accipere, nisi legitime certaverit.

Nec gloriosa victoria, nisi ubi fuerint laboriosa certamina.

S. Ambros.

SAVIGLIANO TIPOGRAFIA RACCA E BRESSA.



1502

AVVERTENZA.

La presente poesia era di già sotto ai torchi, quando venni a conoscere il contrario divisamento di costrurre il Ponte in muratura che ne interruppe in aprile l'inaugurazione.

« O in ferro, o in muratura,

- « Purchè v'esista un ponte sulla Stura,...
- « Promosso dall'autor Sindaco Chiora,
- « Nulla a me cal,... ne goderò più ancora;
- « E ai versi miei l'aurora,
- « Più tarda ancor a metterlo ad effetto,
- « Non recherà per certo alcun difetto. »



· Patria nihil dulcius, nihil carius in vita esse debet.

« Nullus locus est domestica fide iucundior. Chari sunt

a liberi, propinqui, familiares; sed omnes omnium

« charitates patria una complexa est, pro qua quis

bonus dubitet mortem oppetere, si ei sit profuturus? • Cicero.

Tiva'l gran Sindic Ciora!

Pour le peuple c'est un torment La lecture sans amusement. Piron.

Peve mai vist Cherasc? un bel pais
Figureve fondà sul bec d'un mont,
Bagnà al Nord da la Stura, un poc amis
Torrent fin al moment privà d'un pont.
A l'Est, un pò pl'n giù dal Paradis, (1)
Scor'l Taner tranquil ch'a specia'l front
D'l ciocchè d'san Martin d'na gran statura,
Sout a Pollens mariandse con la Stura.

Cherase, tut ant na vota essend fondà,
A conserva 'l contrà tirà a lignola:
As dis che d'gran sgnouron d'l'antichità,
Mantnend ciascun d'soa part la soa parola,
A l'abio fabbricala e bastionà,
Dop avei ricevù na brutta scola
Dai so vassai canaja d'libertin,
Ch'a l'ero ribellasse al so domin.

Una famosa tour su quatr pilion
S'aussa piantà d'1 gran mercà s' la piassa;
S' la punta un formidabil campanon,
Ch' l'ha n'orribil battoc pi lung d' na brassa,
Quand a seurt da San Pè la procession,
A deurv a colp d' canon la gran ganassa;
Doui omini 'n camisa, e bin sudà,
Lo svento attentament da sì e da là.

Sul mes d'hele contrà larghe e spassiouse
Scor l'acqua da per tut d'ha Bombonina;
Gran hel favour ch'a godo 'l nostre spouse
D'havesse dnans la ca soa mussolina!
Coust acqua, dop lavà le cose scrouse.
Passa sout al ciocchè d'ha Madonina,
Dove con gran fracass drinta n'abiss
Precipita, rompendse ant mila spriss.

Da la nous d' Massolin, girand attourn
Fin al sente ch'a cala n Isorela,
Dov van eserchesse i nost tambourn,
Che frappant orisont! che vista bela!
'L Taner e la Stura an fan contourn,
Le vigne, i pra leccandne per garela;
Che viste dal bastion incomparabii!

Quanti ciabot ch'ass vedo innumerabii!

Che ciel seren! qual aria ch'as respira

A neuv ore d'istà sul nost bastion!

Dov un zeffiro d'neuit tranquil a spira

A fè palpitè 'l cheur di bei garson!

E 'l bel sess feminin gira e peui gira,...

Peui serca finalment d'rasè l'canton,

Dove, passà na pianca, a l'è s'l'aléa,

Chè a chi l' ha fala bsogna di; Cerea. (2)

Un quadrato compless mes fiancheggià

Da d' platani stupend,... a l'è'n darmage
Ch'a sio al dì d'ancheui un pò smentià!

Ma'l nost Sindic attual ch'a l'ha d'corage,
Anche'l pi bel d'Cherasc a ristaurà
Senssa coure sul leug, fè d'l tapage.
Se Chiel ai Cheraschin fa st'aut regal,
Ciora sarà per noi n'om immortal.

— Anche'l gieug d'1 ballon, ch'a va sternì,
Cuvert dov l'acqua'l taia per metà,
Nost Sindic lo farà vnì neuv un dì
Davanti al Marches d'Aix (3) e a coul d'Chanaz (4).
L'amis monsù Blangin podrà smaltì
Pi d'cappon, pi d'le boute'n quantità;
Caffettiè, panattè con j'artaiour,
L'è sicur ch'a butran pi bel colour.

Ma cos i vedne mai? da n'artaiour

Fin al canton d'sour Viora, 'l vei spessiari,
(Bsogna lvesse 'l capel a coul brav Sgnour, (5)

Che ad onta d'mila ciancie e d'mila sgari,
Per dè a le sgnoure bele un segn d'amour,
A l'ha gavaie dnans un antiquari),
I portic, gran torment d'nostri aiassin,
Son dventà tut a'n colp portic d'Turin.

Al temp d'mia gioventù, dop avei pià

La seral d'san Fransesc benedission,

Spassgiand ansem ai me amison giurà

Sonsa — Gianò — Gavei — e Scaparon, —

Per coui portic antic sì delabrà,

Al touc, sensa la lus d'un lanternon,...

I eu dait d'l nas sul scuffie e sui caplin,...

Scarpisandie sovens i bei piotin.

Ma adess, come Dio veul, souma a Turin,
Sout i portic d' Cherasc anche spassgiand!
Sour Avvocat ass ved, ch' l' ha pensà bin,
Gavand col ciair diversi contraband;
Al moment le maman dai moscardin
A son sicure d' pianta, come quand
A mneisso le soe tote 'n pien mesdì
A feie piè d'arietta un pò per lì.

Dove 'l vot general di Cheraschin
L' ha mirà fin ancheui, ora appagà!
A l'è temp finalment ch'i balustrin
A peusso, quand a pieuv, andessne a Bra,
Senssa tornè andarè a trovè Blangin!
A l'è temp ch'i trionfo su'n torrent
Tant caprissious, ladron, e prepotent!

Ciora ch'a sa volei ch'al'è podei, (6)

Sentend'l so Païs ch'ass lamentava
S'la Stura un pont an forma d'nen avei,
A dispet di malign Chiel a brigava;
E l'ha fait tant anfin con so savei,
Che s'la fin d'l'an passà Chiel trionfava;
L'ha portà via la pessa sui barbis
D' coui ch'a son d'l pais veri nemis.

Onde 'l Consei d' Provincia ai lo passeissa,
Che d' visite! che d' viage d' ogni part!
Perchè la Division ai lo firmeissa,
Quanti plic an segret pel ters e 'l quart!
Iddio l' ha volsù che Chiel vinceissa
La costrussion d'l pont contra le art
Ipocrite d' certun ch' a travaiavo
. D' mandene ancor na vota 'l pont al diavo.

Coust pont, da sin quand era Ponziglion, (7)
Sindic ch' l'è stait tant temp d' nostra sittà,
Personage distint pr'erudission,
Pel ritrat pi fedel d' la probità,
Ass trattava d' mandè 'n esecussion;
Ma i consiè si scheffious a coui temp là,
Quand ass trattava d' palpeggiè 'l taschet,
L' han fait durmì 'n eterno 'l gran proget.

Ma Ciora, ch'a discend da d'brav parent (8)

Tuttor al ben d'l public dedicà,

Che Cherase a ricorda eternament

Pr'i so talent e oneste qualità;

Ciora volendse rende finalment

Immortal anche Chiel ant soa Sittà,

D'l Sindic Ponziglion la volontà

Totalment a l'ha 'ncheui rëalisà.

Ora che 'l pont l'è vint e decretà,

Ch'a inaugurelo adess mac pi s'aspeta
La cerimonia d'l nost RE adorà
Dal so popoul fedel ch'a lo rispeta,
Come un brav fieul 'l so amorous papà,
La Cui presenssa tut Cherasc alleta,
Ciora dovrà contè cousta giornà
Com la pi bela ch'l'avrà mai passà.

Avanti Musicant d' la Società

Direta da Povigna Franceschin,

Dal Deputato Ponziglion creà (9)

Per dè d' ricreassion ai Cheraschin!

Allez! strument an man! poussè d'1 fià

Cont d' Miane, Gallaman, Aschè, Blangin!

Che Cherasc l'è lì pront a batve '1 man,

A criè tut glorious: VIVA 'L SOVRAN!!!

INNO POPOULAR



Non est dignus beneficium consequi, qui de
 acceptis beneficiis gratias non agit.
 S. Thom. Aquin.

Spunta'n ciel alfin l'aurora
D' coul bel di tant sospirà!
Tut Cherasc a l'è già fora,
Povr e sgnour, grand e masnà
A stan vedde tutti attent
Buttè 'l RE'l monede drent. (40)
Viva Ciora ch'l'ha vinciù
Lo che nssun l'avria cherdù!

Coust gran Pont an fer s' la Stura
Sarà n'opera imponent;
La godran fin tant ch' a dura
Tutti i nostri discendent,
Che un brav Sindic ricordran,
Anche ai temp i pi lontan,
Ch' s'è agiutasse d' man e d' pè
Coust bel Pont per fene fè.

Oh! sta volta coui d' Narsole,

Coui d' Doiane e d' Murassan

A voltran pi nen le sole

Per la stra d'1 pont d' Fossan!

A podran andessne a Bra

Senssa '1 risic d' tornè a ca.

Bravo Ciora! Alfin Cherasc

L' ha finì d' fè l'ultim fiasc.

Quand la pieuva a vnirà a sie,
Quand la Stura a debordrà,
Dal bastion s' buttroma a rie
Sicur sempre d'andè a Bra.
E'l postion tardrà pi nen
A portene lo ch' an ven.
Ringrassiouma Ciora intant
D'un servissi si important.

An savend ch'a j'è s' la Stura
Un bel Pont a la Verniè,
Ogni cher, ogni vittura
Per Cherase vnirà a passè.
E lì i'osstu e i' caffettiè
Guadagnran un pouss d' dnè,
An criand con tut so fià:
Viva 'l Sindie dla Sittà!

Fina i medic, i spessiari,
J'avvocat ch'a son ardi
A l'avran sul so scartari
Pi d' parsele da spedì.
Coul che 'l Pont dev frustè bin
Sarà forse Monsù Sprin;.... (11)
Quand sul Pont a galopprà,
Viva Ciora! a ripetrà.

Dal bastion lanssand s' la Stura

Na sbircià col canoucial,

Discernrouma la figura
D' un pöeta da 'n curial.

Fin le Tote e 'l so caplin
Scovrirouma s'a van bin.

Viva Ciora! ch' l' ha creà
Un colp d' vista sì pregià.

Fora artista ed operari

Tutti quanti dnans al Maire;

Contadin e bottegari

Ringrassielo d'l Pont d' fer.

Coust regal av obligrà

A restevne ant vostre ca. (12)

Viva 'l Sindic! tutti un'

Gridè fort ant coust gran di.

Ardi, Music, su la piota,

A l'è temp d' fè un po' d' rabel!

Deie drinta ancor na vota

A sonene 'l valtz pi bel.

Vedve nen che d'ogni part

Le Totine an fan di scart?

Viva 'l Sindic! promotour

D'una festa d' tant rumour.

VIVA 'L RE!!! SØA DINASTIA!!!

Viva Ciora! L'e i so Consiè! (13)

Viva ancor ogni Famia

Ch'a l'ha avù l'istess pensè!

Ringrassiand 'l nost brav Maire,

J'ouma adess un Pont an fer.

Con la gioia scritta 'n front,

VIVA 'L RE!!! VIVA 'L PIEMONT!!

. 8 . 7

Alla illustrissima Città di Cherasco

CONTESSA DI NARZOLE

ODE SAFFICA

Gaudere et lætari honeste, licet. Cor gaudens exilarat faciem. Bibl. Proverb.

Cherasco, esulta! la tua aurora spunta, Che aver tu possa il disïato Ponte! Non più sì trista ti vegg'io e compunta Oggi la fronte.

Cesare Chiora, Sindaco tuo eletto,
Figlio e nipote a Cittadini estinti,
Pel comune tuo ben, per intelletto
Chiari e distinti;

Pien di solerzia e ardir la mente e il core, Corse sul luogo, perorò di *Stura*, E vinse il Ponte a sempiterno onore Che gli procura.

Cherasco, esulta! ad esser grata impara Di Chiora al zelo, attività, coraggio, Di cui la mano non mostrossi avara D'un tal vantaggio.

Oh no! non mai che il *Cheraschese* fia Capace d'obliar tal monumento, Davanti agli occhi suoi finch'esso sia Sfidando il vento!

Qual vantaggio real! Cherasco or ora

Dall'altre non sarà più segregata;

Potrà commercio aver pur essa ancora

Rigenerata!

Stura imperversi pur, tristo torrente,
Straripi sul molin, anche sul monte,
A chi parte per Bra farà un bel niente:
V'esiste un Ponte.

De' bei nostri zerbin, le damigelle Col loro parasol, di primavera A braccetto potran passarlo anch'elle Mattino e sera.

Quelle barcaccie alfin scompariranno,

Le gomene del Ponte ancor natante;

Su quel di ferro i nostri piè n'andranno,

Ch'erge gigante.

E Nicola Fissor sarà costretto (14)
A non aver più un giorno di vacanza;
Verrà ogni di l' corrier davanti al ghetto
Senza tardanza.

A Te saremo dunque eternamente
Debitori di tanto immenso bene,
Chiora, il cui sangue a favorir sua gente
Bolle in le vene!

E quando noi sarem cener inetto,
Che troviamci al momento a Te d'intorno,...
I figli nostri serberanno in petto
Questo gran giorno.

E diran dal bastion: « sopra la Stura, Se passiam oggidì con piede asciutto, Possiamo ringraziar sua nobil cura Che l'ha costrutto.»

Dunque viva in eterno il grande Chiora,
Che a termine mandò tal Monumento,
Il cui Nome sarà serbato ognora
Per tanto evento!!

ME SEUGN

BRINDISI DEMOCRATIC

senssa gena

Vade ergo et comede in lætitia panem tuum et bibe cum gaudio vinum tuum, quia placent Deo opera tua.— (Ma quando non ce n'è?)

Bibl.

MOSSGNOUR quand'a l'ha fait Eva ed Adam,
I prim nosst parent,
Ant un giardin allegher, tut rident,
Perchè s'gaveisso neuit e di la fam
An mes ai arbicoc, ai pom susin,
Persic, nissole, pruss e darmassin,
Souta d'famose toppie d'bei taddon,
D'lignenga, d'moscatlon,
An mes al frole, a j'ampole, articioc,
(Prima d'tastè coul pom da ver fabioc)

- J' ha dit: « Me' cari amis, iv eu crea
- « Pr popolè coust mond con d' le masnà;
- « Pr ch'j vive an union iv'eu stampà,
- « Allegher, senssa crussi, an libertà,
- « Ond'i peusse adoreme ogni giornà
- « Con d'opere continue d' carità;
- « Amandve, soccorrendve da fratei,
- « Ch' i giovo a compatisso i povri vei,
- « E i pare i propri ficui
- « Senssa serchè d' le ruse e fè d'ambreui.
- « Me cari amis, i veui
- « Ch'i vade sempre avanti e mai andrè;...
- « E tut sossì perchè
- « Desidero coust mond perfessionè.

- « Osservand me precet, me cari amis,
- « Mangreve 'I vost toc d' pan tranquillament
- « Senssa pieve p'l col o a pugn sui dent.
- « S' j' avreve d' le cugnà,
- « Ass' amran da sorele ant vostra cà
- « Senssa passè na vita andemonià
- « Tra 'l nore, le madone, 'l pcè, 'l mari
- « Con d' le gabele ch' a finisso pì. -
- « Osservand me comand d' mangè an union
- « Lo ch'i mando dal Ciel ai omni bon,
- « Spartiendlo da fratei
- « J'avreve mai nssun mai, nessun rabei,
- « Senssa ciamè sul leug coui d' la legal,
- « Ch'av mandran a fè i bai a l'ospedal
- « Pattanù beli e crù,
- « Barattand so papè coi vostri scù;
- « Così senssa penssè d' stabilì
- « La pena d'mort, le birbe ai saran pì,
- « Farà nen bsogn d' sarrè
- « Drinta a '1 person di lader un furmiè.
- « E pr'esse galantom, me' cari amis,
- « (Scouttè bin lo ch'iv dis)
- « A bsogna rasonè senssa comprè
- « Pr' argent tut lo ch'a lus da faffiochè.
- « Bsogna conosse 'l mal, discerne 'l bin
- « Come i scù da le moutte e dai quattrin.
- « Pr'adoreme d' bon cheur a bsogna mai
- « Vosst prossim procurè ch'a l'abia d' guai.
- « Seve tutti me' fieui
- « Coui ch'a nassran da voui bele d'ancheui.
- « E coul ch' a farà d' mal a so fratel,.....
- « Me paradis sarà nen fait pr chiel;
- « Benchè lasseissa des milion d' scù,
- « Farà l'erbo-forcù
- « Vers l' allog d' Belzebù,

- « Ch' aspetta ogni moment,
- « Pr so divertiment.
- « Coui omni mal vivent
- « Ch' a l' han scourtiame al viv la povra gent
- « Pr' avansesse dop mort un sac d'argent.
- « Coust metal a sarà.....
- « La rovina d'I tut d' l'umanità!
- « L'origine d' million d' nefandità!
- « La causa d'j'assassin d'soura d'le strà!
- « La guerra tra fratei e tra cugnà!
- « Tra sgnour e povr, scortiour e tra scortià!...
- « (E coui ch'a n'avran nen,
- « Durmiran su la paja o d' soura 'l fen)
- « Essend coust si n'enigma, un paradoss
- « Senssa spieghevlo ch'iv lo lasso adoss....
- « Pr proveve sì bass
- «S'j deve vni con Mi, o con Satanass.
- « Osservand me comand, me' cari amis,
- « Col temp iv fabbricreve di pais;
- « E tutti i vostri fieui an società
- « Radunandse tranquii, chi ch'a farà
- « 'L medic, chi l' spessiari, chi 'l caliè,
- « Chi l'avocat, chi l'ossto, chi l pruchè,
- « Chi 'l lavapiat, chi 'l music, sautisse,
- « Chi 'l poeta, 'l nodar e chi 'l bergè.
- « E coul ch'a savrà bin 'l so mestè,
- « A sarà tnu da mi pr'un gran grivoè,
- « Pr'un om ch'a sa so affè,
- « Ch'a fa'l boneur d'la patria, ch'a l'è
- « Coula che dop a Mi dovrive amè.
- « E coul ch'a marcia ananss s' farà lodè,
- « E coul ch'a marcia andrè
- « Ass farà certament apress grignè.
- « (Pr coust si d' paradis pa' un foutre ai n'è).»

 Con sti comandament si radicà

(Che nt me let l'autra neuit im son sognà. Come Giacob la scala al ciel drissà) Ant la succa di nostri antic papà; Al soffi d'nostra cara libertà, Ai na seurt al moment Bon frut tra la moderna nostra gent, Ch'an butta su d'vapour, D' le macchine stupende ch' fan d'onour Ai omini sapient, Ch'a rido fin d'I fulmine e d'I vent, Ch'a domino padron d'I firmament. Difatti pr'arangiè La baracca striplà di nostri pce, Ch'a fa dabbon grignè, I souma tutti an andi a riformè Cadreghe, let, soffà, stuve, fornei, E an palas da cristian i castei vei. Na volta su 'n carret Tirà da 'n pcit asnet, Col om ch'a l'era andait a Cavoret, Oh! certament ch'a l'era salutà Pr'un voyageur d' la prima qualità! E coul ch' l'avia vist Genova o Milan S' fasia gavè 'l capel mes mia lontan! Adess con pochi sold su le strà d' fer, Voland con d'ale d' feu criioma . . gher! I souma noui d'I secol anlumià! Gher a noui... d'un talent si sfogonà! Viva 'l Progress! e coui ch'ass volto andrè, Sui temp andait ch'ass butto a piorassè, Son d' fieri lasagnon. Ch'a l'han d' miola d' sambù drinta 'l gnoccon. Dè n'ociada al moment A tutti i cambiament Ch'a son fasse al spuntè d'la libertà,

Son cose da vni mat;.... se d' coust gran pass J'andouma sempre avanti, oh... pr dabbon Ch'j'androuma 'n paradis ant un ballon!

- Dè n'ociada a Cherasc d' sent'ani fà
 Quand l'era governà
 Dai sacherbleu famous d' l'antichità;
 Oh pover mi! la neuit pr le contrà
 Quanti dottour son forse nen cascà
 Dasend d' le culattà
 D'un ciair pr l'avarissia e scarsità?
 Adess i respirouma
 Tutti j'arneis antic che cambià avouma;...
 Adess as peul marciè
 Senssa bsogn d' l'euli sant ant 'l giachè.
- Iv ricordi pi nen quand nostra Stura
 Set volte d'l'an gonfiava,
 Che tutti sui rampar an assediava?
 Adess, an ringrassiand sour Cavaier,
 Podouma marciè fier;
 I'avrouma un Pont alfin ch'a cavalerà
 S' la sponda ch'an uniss la sittà d' Bra.

Ecco'l progress.... e i frut d'la libertà, Ch'an rendo tutti sgnour e fortunà! Avanti dunque, Patriot carissim, Fouma un brindisi d'cheur a l'illustrissim Nost Sindic Ciora Cavaier formà Dalla S. R. S. M.

Disbouttioma coui vin ancatramà;....

Voidè.... voidè....

Ond'avei maggior fià pr festeggiè

La costrussion d'l Pont ch'un va drissè.

Viva s' la nostra Stura L'autour d'l Pont an fer! Ch' an lassa passè i cher, Cavai, vittura. Viva i nost brav Conside Ch'a l'han giuttalo a fè;
Viva l' progress d' Cherase!
Ch'a l'ha finì d'fè fiase.

E ant cousta patriottica esultanssa Da ride, mangè, beive a cherpapanssa Dovromne dismentiè 1 PONZIGLION — i' INCISA — i GALATÈ — I SAN-GREGORI - Sour Nodar FIORI -L'Avocat GIUSTA - Sindic tutti ardì Che ansem ai so Consiè (Sia coui ch'a son scadù che i neu-formà) A son giuttasse tutti d' man e d' pè D' co lour a riformè Mila cose a favour d' nostra Sittà. Che fin ch'a starà 'n pè La tour su quattr pillion sì bin piantà, Eternament d' co lour ai ricordrà? Giammai 'l Cheraschin n'ingrat sarà A le anterior stimà soe Autorità! Imperocchè n'averto i gran Dottour SANT AGUSTIN — SAN PAUL — e SAN TOMA, Ch'un ultim gran favour Dev nen fene smentiè coui d'l'ann passà.... (Me' vers son pà bin ciair ancor al d'là?) Dunque, me' cari amis, bsogna sbouttiè D'autre boutte ad onour di vei Consiè, Di Sindic benemerit anteriour, Rinovand nostre grassie ai so favour Con sti couplets ch'i recito pr lour.

Slongouma, amis, la piota Da fieui dsinteressà; Trincouma ancor na vota Sui Sindic vei passà! Trincouma uni col bicier A onour d'sour Cavaier... Che a gloria d'la Sittà Nost Pont l'ha terminà!

MOND VEI E MOND NEUV

Antitesi Sociai



Carminibus quærens miseriarum oblivia rerum.

Con la basana ogni moment ch'a sboura,
Onde vischè'l sirin pr'andessne'n crota,
L'è'l gust d'coui là d'na vota.

Dè na sfertà sul mur a un peit suffrin, Ch'ass'avisca sul colp senss'acciarin, Senssa basana ch' l'è sovens bagnà, L'è'l gust d'la nostra età.

Montè d' soura 'n bel aso o na sometta, Oppur cougiesse d' long su na carretta Onde marciè pr possta a plic forssà, L'è 'l gust di nosst papà.

Fichesse ant un vagon ch' a part subiand Poussà da 'n feug d'infern ch' a va aumentand, Ch' an fa volè da Genova a Turin, L' è 'l gust di spirit fin.

Vischè d' falò su d' bric pr dè d' segnai

Da lontan d' neuve bone, oppura d' guai,

Scrive s' le tour d' le lettere a trabuc,

L'è 'l gust d' le teste d' suc.

Tirè da Moncalè fin a Pavia

Na pcita corda d' fer d' soura d' la via,

Fè coure 'l penssè d' l' om al pass d'l tron,

L'è 'l gust di sapienton.

Vende la grassa d'ours e l'euli d'can, Fè l'euli d'babi pr guarl i cristian, Fè buie fin le serp, fè cheuse i giari, L'è'l gust di vei spessiari.

Con d' la pover d' gaseuse ant un goblot Fè tirè d' rut ai sgnour circa ai tre bot, Voleisse tene al fum e lasse 'l rost, L'è 'l gust di chimic nosst,

Con la lansetta 'n man girè le cà,
Fè la guerra al sang marss senssa pietà,
Tacchè d' ventouse con d' bicier d' brindour,
L'è 'l gust d' j' antic dottour.

Fè travonde la cassia anvertojà

Come 'n boccon da tota ant un ubià,

Dene d' pasta d' guimauve ancor sul pat,

L'è 'l gust d' nostri Ippocrat.

Avei la carabina souta'l frac
Pr portesse a schicciè un malavi strac
Con le man uïte, sporche d'elettuari,
L'è 'l gust di vei spessiari.

Mandè da l'imprendiss 'l siringhet

A macchina sarrà drinta un cassiet

Onde 'l malavi ass pompa 'l buffabren,

L'è 'l gust di nosst Galen.

Avei di balansson con tre cadene
Che quindes e pi miria a peulo tene
Onde peisè mes onssa d'strafugari,
L'è 'l gust di vei spessiari.

Avei d'balansse elastiche dlicà
A bilico su 'n banc pietrificà
Con d'spatole d'argent e nen da cinic,
L'è 'l gust di nostri chimic.

Portè doui chilo d' pruca e un ras d' codin Gruppà da quindes meter d'organssin Con la mostra a fasson d'un scaudalet, L'è 'l gust di vec omnet. Portè 'l giacchet d' laine douce a muso franc Con la barba sul gust d'l'orang-outtang, Con d'le scarpe d'fil d'fer pr j'ajassin, L'è 'l gust di nosst gridlin.

Andè a la cassa col fusil a scaia,

Puntè l'ousel mentre 'l can brac a braia,

Tocchè 'l gaget ... e sentlo ch'a fa cric,...

L'è 'l gust di vei bouric.

Cassè i fasan con di fusii tordù,

Fè caschè i tourd al vol, beccasse e grù,

Vnì a ca carià d' pernis i saccocion,

L'è 'l gust di nostri lion.

Portè i brass pattanù; su la servela

Avei un caplin monstre a l'uso ombrela,

Ramassè le contrà col guardinfan,

L'è 'l gust dle gran maman.

Buttesse un biccochin d' soura d' le coche
Subit ch'a sento a dè 'l prim bot le cioche,
Con un sal a filoss souta 'l pappiote,
L'è 'l gust d' le bele tote.

Al post d'1 lustr ingleis dè d'grassa d'crin Ai stivai da postion, scarpe, brochin, Pr sporchesse i causet e i pantalon, L'è '1 gust d'j'antic sabron.

Portè i scarpin elastic vernisà,

Ch'a valo doui scù d' franssa mal contà

Onde fè onour al merit di caliè,

L'è 'l gust di nosst grivoè.

Avei d' fornei sul gust d' papà Noè
Quand a fasia drint l'arca da mangè
A l'universa pecora ambarcà,
L'è 'l gust di vei papà.

Avei d' franclin civii d' castellamont

Ch'a peulo stè con j'esteri an confront
Ch'an' scaudo i genoui paisiblement,

L'è 'I gust di nosst savan.

Portè d'famous mantei con doui dosene
D'pellegrine sul gheub, ch'dario d'le pene
A un fachin a marciè pr'i propri affè,
L'è 'l gust di nostri peè.

Un paletò, un gabban, un pcit bernuss

Buttesse adoss quand i sarrouma l'uss,

E andessne a fumè un sigaro al caffè,

L'è 'l gust d' chi l'ha d' dnè.

Sinè d'istà a neuv ore, e col boccon Ant la gola rampiè d'soura 'l paion Con la porta ciavà, col froui tirà, L'è 'l gust d'j'antic papà.

Mangè un saladinot su l'ambruni,
A l'uso Pier sortissne un po' pr lì
A promenè la fomna sui rampar,
L'è 'l gust di nostri par.

Tacchè n'aso a na pera da mulin,
Felo girè con d'causs seira mattin
Pr mulinè ant na smana un miria d'gran,
L'è 'l gust d'j'antic gabbian.

Mulinè ant quindes di con d'acqua o d' feu Lo ch'a stento a tirè des coubie d' beu Per vende la farina a un pressi fort, L'è 'l gust di coi pr stort.

Durmi su na paiassa burrà d'fen,

Dov a spunto i caviot a furè i ren,

Pr cougiesse la neuit dovrè 'l scalot,

L''l gust di fieui d' Nabot.

Sdrajesse su la piuma e su d'saccon Elastic, su d'let d'fer a curnison, Senss'aussè su la gamba pr rampiè, A l'è un piasì da re.

Buttè d'j'ani a fè un peïs pr la sittà,

A curvì na bialera an mes d'na strà,

E scrive d'risme d'carta pr fè nen,

L'è 'l gust di sgnour bin pien.

De man a le stra d' fer con gran calour, Furè i mont Appennin, buttè sout sour Le poste e fè un tapage andiavolà, L'è 'l gust d' la gent ch' a sa. Fè d' proget, fè d' disegn pr I bin d' la gent, E peui lasseie deurme eternament Aspettand che Nossgnour an daga man. L'è 'l gust di vei gaddan. Parlè poc, fè di fait, coure sul leug, Al cose ch'a van faite deje 'l feug Senssa spettè 'l' di dop ch' an guasta 'l pian, L'è 'l gust di vei savan. Guardè tranquillament d'soura i bastion La Stura quand a sauta sui giron Senssa buttè ripar a tanti guai, L'è 'l gust di vei stivai. Giuttese d' man e d' pè pr cavalchela Col mes d'un Pont an fer onde passela, Quand' an sauta 'I gatii d'andessne fora, L'è 'l gust d'I Sindic Ciora!!!

ANNOTAZIONI

(1) Villeggiatura dell'egregio Sig. Cavaliere Sindaco Chiora.

(2) Il Cavaliere Lunelli Generale di Marina per incarico dell'Ospizio di Carità.
(3) Palazzo sul pubblico giuoco del pallone di spettanza all'esimio Sig. Marchese Generale di Sommariva, in una delle cui sale firmava Napoleone il Grande il noto protocollo della pace colla AUGUSTA REAL CASA DI SAVOJA felicemente regnante.

(4) Altro dirimpetto appartenente all'onorevole Patrizio Marchese Chanaz di S. Almour.

(5) L'Avvocato Sig. Carlo Giusta fu eccellente Amministratore nei tempi burrascosi delle Italiche faccende colle sue nobili prerogative di uomo assennato, politico, dabbene; avendo pur esso attivamente cooperato all'esito fortunato del lungo sospiro dei Cheraschesi di posare alfine il piè sopra un Ponte stabile sulla Stura, col recare a buon porto la pratica di detto Ponte di già ben avviata abbandonatagli dall'egregio di lui antecessore, Sindaco Sig. Notajo Giacomo Fiorito, volendo il destino che il merito maggiore dell'opera fosse riserbato al benemerito Sig. Cavaliere Chiora, attual Sindaco di Cherasco. — (Vedi perciò il Ricordo per Cherasco del Poeta Vincenzo Gianolio.) — Desso, il Sig. Avvocato Giusta, zelante assai di tutto che spira il bon-ton ed è agreabile alla vita, riflettendo nel suo ottimo Sindacato all'indecenza ed al pessimo stato in cui erano a quell'epoca lasciati i portici di sua patria, che al cader del sole parevano il limbo de' santi Padri, locchè faceva si che non si potea sott'essi voltarsi in nessun modo senza dar del naso sulle cuffie e sui capellini, con rabbia immensa delle Mammane Cheraschesi che non potevano più rispondere della castità spirituale delle proprie

zitelle avviluppate diabolicamente, oltre dal perfetto buio che vi regnava la sera, da una fitta nube di vapore tabacchinesco-libertinesco che totalmente le derubava al loro materno vigile sguardo da lince; visto inoltre la perspicacia dell'egregio Sig. Giusta il selciato di detti portici già logoro dal tempo colle sue punte ineguali taglienti da recar gran guaio alle tenere gambette delle nostre Cleppatre;... da uomo gindizioso e compassionevole facendo orecchio da mercante alle ridicole esclamazioni degli uomini dal vecchio stampo, risolse di dar l'ultimo colpo di grazia a quel gotico avanzo del medio evo, riformando così sul gusto delle Città cospicue del Regno una delle principali bellezze e comodità di Cherasco, che gliene sarà eternamente riconoscente, specialmente le sue amabili concittadine che, la di lui mercè, spendon ora più poco ne' scarpini di stoffa, non sono più in pericolo di lordarsi nel verno nè la calzetta nè la gonna; ed il povero marito geloso, presentemente con quei magnifici fanali che ti pendon quà e là a simetriche distanze dal volto dell'ora moderno ed elegantissimo porticato, potrà, oh sì! con tutta sua comodità rientrar finalmente nel sacro suo perduto diritto d'abbrancare in nocte flagranti il bricconcello che di lanciar osasse lo sbircio del buona-lana sopra la casta Susanna che Dominedei gli avrebbe forse regalata ad honorem, beatitudinem, consolationemque totius vitæ suæ! amen.

(6) Il chiarissimo Sig. Sindaco Chiora veniva posteriormente alla prima stampa del presente fascicolo meritamente decorato della Croce de' Ss. Maurizio e Lazzaro per decreto Reale del 21 giugno con pubblica patriottica dimostrazione di giubilo a mezzo d'una imponente serenata improvvisatagli dall'attual fiorente Società filodrammatica animata dalle incessanti cure del benemerito concittadino Avocato Sig. Gian Giacomo

Scaparone, che modernò il Teatro con gusto assai squisito ed elegante.

(7) L'esimio nobile patrizio Conte Ferrero Ponziglione di Borgo d'Ales, ex Sindaco per tanti anni benemerito di Cherasco, Riformatore in allora degli studi, che lasciò di se un'imperitura memoria ne'suoi concittadini che ne lamentano l'irreparabile perdita.

(8) Vito Modesto Chiora Zio dell'attuale Sig. Sindaco Cavaliere, Chirurgo collegiato celeberrimo ed assai valente nell'arte sua, meritamente ricordato e compianto dalla Cherasco, segnatamente dai poveri da Lui sempre medicati gratuitamente e soccorsi. (Vedi il Ricordo per la Cherasco.) Il Sig. Maurizio Padre, il Sig. Notaio Giovanni Zio del sullodato Sig. Sindaco, ambo commendevoli per servizi prestati alla patria che ne ricorda il nome con riconoscenza.

(9) Il Deputato Sig. Conte Vincenzo Ponziglione di Borgo d'Ales che graziosamente assunse a proprie spese molti incombenti per beneficare largamente la fiorente attuale

Società Filodrammatica Cheraschese.

(10) Si allude al rito dell'Inaugurazione Reale.

(11) L'Usciere della R. Giudicatura.

(12) Taluni degli Operai fuori patria in cerca di lavoro.

(13) Il Barone Assocato Sig. Francesco Defanti di Sant Oberto, animato pur egli da nobile entusiasmo di giovare alla sua diletta patria, concorse assai con ogni sua possa al trionfo del Ponte sulla Stura.

(14) Il Sig. Ufficial postale cooperò esso pure alla vittoria del Ponte con tutti i mezzi

suggeritigli da una causa rigeneratrice del patrio nostro commercio.

AVVISO

A CERTI MIEI COMPATRIOTI

Scrissi per dire il ver; non adulai Dunque nessun nell'esaltar chi 'l merta. Sorga anco un ben da un fomito di guai, Farò chiasso a quel ben a faccia aperta. Il mio partito è un sol; è quello ormai Di dire sempre il ver, di star all'erta Sui dover miei, scrivendo sol per quelli Che dotti son, non stupidi cervelli...

L'ISTRUSSION INFANTIL

ossia

A' Umanità salvà dai Filosouf d' nostr' età!

Primum signum nobilitatis est liberalitas; nam et Deus qui nobilissimus est, liberalissimus est.

S. Antonin.

Nihil est rebus omnibus præclarius, aut præstantius, quam de patria bene mereri.

(Cicero, de officiis.)

Th! dispotism d' coui temp matricolà,... D' coui ani fortuna,... Che pr'esse un talenton d' coui laureà Bastava solament I primi feui a ment Savei d' l'Arleri e d'I famous Donà!... Oh! dispotism d'coui temp così 'nsucrà,... Permetme che al moment It fassa un gran salut profondament!!! - Ant coula bela età,... brrr... che cuccagna... Vive tut fin al nas ficcà ant la bagna! Ant coui ani glorious, che ant le sittà Savio soltant conosse 'l sillabari Sour Segretari, 'l Giudise, 'l Curà! E drinta so castel sour Feudatari Con so cacet con l'arma cesellà D' l'antica soa gran cà, Firmava i gran decret ch' l'avia emana! - Ma adess a son passa

Coui fasti tant glorious d'coui omni la!

Ch'ass na durmio tranquii di nostri pce
La prima neuit ansem a soe moujè;

Mentre i povri farfluc battio i pautass

Onde le rane a feisso nen fracass,

E lasseïso durmi tranquillament

Coui Sgnour così discret con la sua gent...

- Oh! propi ant coula età
 L'educassion d' la povra umanità
 A l'era totalment abbandonà
 Al destin gram o bon d' le soe masnà!
 Un pare meist da mur,...
 Un pare ciavattin...
 L'era fin trop sicur
 D' vede a chersse sout j'eui i so fiolin
 D' famousi biricchin,
 Con la franda a la man, carte e taroc,
 Con pila e crous an man,
 Dre d' la Ciesa a la festa a fè i fabioc
 Pr fè anrabbiè 'l Prevost o sour Caplan!
- L'educassion intera d' le masnà
 A l'era trascurà;
 Oppura, pr politica... se mai
 Un College un Comun deurve volia,
 I Professour corria
 A serchè da pr tut fra i pì bouric
 Con tersent franc a l'ann per feie ric.
- Con l'Arleri, 'I Donà, col Calepin,
 Martland d'soura l'anquiso d'I latin
 La testa scarpentà d'coui povr fiolin,...
 Coui professour d'un metr e mes d'codin,
 L'aviine pa 'I talent, 'I spirit fin
 D'mandè 'n filosofia
 Chi appena 'I Miserere a comprendia?
- Coui temp a son souttrà!
 Un'alba neuva adess l'è arsuscità
 Da l'oragan d'le nostre libertà,...
 Ch'an poussa a marciè drit su d'neuve strà!

I omini neuv adess, ch'a son settà
Sul famous cadregon d'j'antic Bassà,
(Ch' l' han dvù piè 'l doui da coppe desgagià
Pr nen fesse subiè pr le contrà)
Anfin a l' han penssà
A sollevè i gran mai d' la società,
Instituend da pr tut (dove i Codin
A peulo nen fè front ai Libertin)
Al post d'l' Inquisission,
L'opera santa ch'ass peul di dabbon
D' l'ASIL D' INFANSSIA, ch' l'è 'l maggiour di ben
Pr'i povri genitour, ch'a peulo nen
Mantni le sue masnà
A profit, ad onour d' la società.

Com' a podranne mai
Coui genitour, di e neuit dal so travai
Occupà pr mantnisse, a soe masna
Dè un po' d'educassion? An mes d' la strà
Da la seira al mattin l'ero forssa
D' lasseie a fè i brighela
Per gode n'ora 'n pas con la fumela!...

Con la brila sul col cousti fiolin
L'aviine forse tort,...
Se strassina sovent da coul pi fort,
Pi malissious compagn,
Giravo p'l contrà
Con aria spensierà
A fè d' biricchinade?... e pr le ca
A ciamè la limosina d'un toc d'pan?
A divertisse a tirè d' pere ai can??

- Elo nen vei;... sti fieui abbandona,

Buttà fra mes na strà

Da la miseria estrema di cap d'ca,

Che a la stagion di persi e d'le cerese

(Mentre che adess a van a scrive e a lese)

Faslo soa cuccagna

Battend la gran campagna

Imparand da peittin a fè i ladron

Pr finila peui grand pr'andè 'n person?

- An diso i nosst Dottour:

Che: - ablata causa, tollitur effectus. -

E 'I MINISTERI attual d' sour CONT D' CAVOUR.

Servendse d'j'Ispettour,

L' ha incoraggià pi tut con gran calour

Un ben così real

D'un ASIL INFANTIL, così essenssial

A tutte le Sittà, Bourg e Pais

(Dov'a j'è d'galantom d'I ben amis)

Ch' a ripara ant un colp al maggiour mal

D' la povra umanità

Fra l'ignoranssa ed ogni guai soutrà...

- L'ambreui a stava mac d'mandelo a effet

Coust da tutti invocà nobil proget,...

Ant coui Pais povret,

Dove le Cumnità, prive d' moyens,

Durvi n'ASIL sul campo a podío nen —

- A sto bsogn sì sentì, sì sospirà

Da la povra soffrent umanità,

Da spirit evangelic impastà,...

(Invece d' fè la guera

Con le vistose rendite d' soa ca

A tutti i progressista ch' son s' la terra,

Come a fa la gran part di nosst Codin

Ch'a spend i so quattrin

Pr rovine i so frei da ver Cain.)

Sebben an numer pcit,... a l'han aussà

La man da sì, da là

D' gran PERSONAGE ... verament Cristian , ...

Che con cheur generous offert a l'han

Chi ... mila , ... chi sinquanta marenghin ...

Pr'agiuttè i cap d' ca carià d' fiolin,...

I quai ogni mattin

Ogni seira ai saran riconossent

Pr'un simil benefisi eternament.

Cousti OMINI mandà

Da DIO a gran solliev d'l'umanità,

A l'è... per Bacco... un pcà Ch'a sio così rair ant nostra età...!!!

- La *midaia d'onour* as dà a 'n soldà Ch'a l'ha da eroe salvà So superiour da'l piesse na sabrà —
- La midaia d'onour as dà a n'artista,
 Ch'a l'abbia un peit quadret espost an vista.
- La midaia al valour... d'un pescadour,
 Ch'a l'abbia con courage un quaic gran sgnour
 Salvà dal niè ant la Stura,...
 Senssa contè le Crous ch'ass dà a drittura
 A coui ch'a son mostrasse a l'occasion
 D'l progress d'so Pais veri campion.
- As registra da noui ancor coul Fra Ch' la pôver l' ha stampà,
- As ricorda da noui ch' la ciccolata

 Dai brav Gesuita antic ci fu recata

 Dal Messico an Piemont —

 (Gloria famousa ch' porto scritta in front!)
- As ricorda da noui come i suffrin Sio stait da Brand trovà p'l comun bin;
- Ch' l'è stait riformatour d'1 Calendari Gregori tredicesim,

Ant l'ann mila e sinc sent ed ottantesim;

- Guido d'Arezzo i rammentrouma 'l Fra,
 Ch' le note musicai a l' ha inventà;
 Come i tenouma a ment ch' son propi lour J' Ebreo,... di Biet d' banca j' inventour,...
 (Darmage aveine gnun pr feie onour.)
- J'ouma vist installè Conssiè d' Sittà,
 Feie d'le serenade su l'uss d' ca,
 D' famousi Sautissè,... forssa d' massè
 D' bei crin,... rasciè le cone co'l coutel,
 (Lo ch' ai fa vede un strepitous servel.)
- Insomma j' ricordouma con piasl

 Bin tante nullità d' coui temp muffi;

 E noui frattant... coui Omini stampà

 Da la man d' Gesù Crist a gran solliev

D' l'umanità ch'a gem souta la frev D' l'ignoranssa e total abbrutissement D'un populass cusin d' l'Orangoutang, Lassromne forse noui a l'ultim rang?

- D' coui OMINI esemplar, veri Cristian, I quai rissourt a l' han
 A neuva vita, distribuendie 'l pan
 D' n' educassion soagnà,
 Ch'ass treuva drint j' ASII bin regola,...
 Saromne così ingrat... così mal nà...
 Da smentiene i favour?
 Di nostri Piemonteis Benefattour,
 Ch'a merito, d' la Patria ad onour,...
 Na Statua eterna ch'ai ricorda ognour??
- Giammai l'ingratitudine trovrà...

 Passage ancheui fra d'anime bin nà!

 Fra j'omini d'talent, ch'a l'han d'bon cheur,
 Ch'a piouro d'cousta val d'soura i maleur!
 Ch'a san lvesse 'l capel con gran rispet
 A Coui ch'a l'han dait man al so taschet
 A benefissi etern d'l'umanità,...
 Che fin ch'a sarà mond ai ricordrà!
- Veuli na preuva d' so, ... me cari amis? Informeve d' coul Sgnour, ... d' coul cert pais ... Ch' l'è vsin al Lag Maggiour; ant Domodossola S' trovralo un cap d' famía,... Ch' nutrissa forse nen d' la simpatía, ... Un'affession cordial d'riconossenssa D'coul Squour a l'esemplar beneficenssa? D'un Om ch'a l'ha ambrassa Le povre d'so Pais care masnà Con l'espanssion d' la vera carità...? Col mes d'l'educassion, Ch'a regalrà al Pais di brav garsson? Oh! gloria e onour eterno a n'Om si bon! E a quanti ch'ai n'a jè, L'opere soe ch'a serco d'imitè Pr'avei meritament

L Popol Piemonteis riconossent.
Ch' so nom a tnirà a ment,
Fin tant ch'a starà ferm 'l firmament!!!

Mentre l'om egoista d'l codin,
Che a sto mond farà mai na riga d' bin,
Cherprà sul so cussin
Bourrà d' pesse d' ottanta e d' marenghin,
Maledl viv e mort dai Subalpin!
Mentre un me amis d' Cherasc a son d' figlei.
Dop avei coupattà na boutta d' vin,
Divorà un salamin o quaicos mei,
Ai soffia un Lux perpetua luceat ei!!!



J'ULTIN STREPIT D'L'OSCURANTISM PIEMONTEIS

SOUTA

LA SPA D'L'ODIERNA CIVILTÀ

AI

BRAVI SOTTOSCRITTOUR DI SENT CANON ALESSANDRIN

Si l'Italie avait du cœur dans la tete! Si l'Hongrie pouvait revenir de son agonie! Si la Pologne savait revivre! Oh!... avec quelle bonheur ineffable nous dirions encore: 1856 est mort,... vive 1857!!! (Giornale Is. Diretto.)

Ch! l'alba l'è spuntà...

D' podei alfin di fin

Nosst Popol Subalpin,

Ringrassiand 'l progress d' la libertà,

D' intonè l'urra a bocca spalancà

Sui barbis di Codin,

Pr la vittoria d' pianta riportà

D' avei un Sent Canon

D' la Ciav d' Italia sui famous bastion!!!

A l'è spuntà coul di, Che fin i pito a l'han savù capi, Ch'a bsogna desse ardriss, bsogna penssè Pr nen un giorn o l'autr lassesse piè Co'l braie sui garret, d'fortifichè Nost' bel Pais, da tutti salutà Come 'l Giardin d' l'Esperidi passà!

- O Piemonteis,... ma bravi! alfin di fin J' eve mostrà d' capì
 Che la boursa, la spà, pruca e codin
 Le braie curte, 'l boccole ai scarpin,
 Son cose da grignè,... d' parlene pì!
- Seve levave sù com un Sansson

 Con soa massela d'aso pr baston;

 Come 'l famous gigant papa Golía,

 Che ai povri Ebreo d'na vota,

 Con le soe man da tota,

 Sbergnaccava 'l servel com na furmía!
- Seve levave su, bravi fratei,... Senssa la *pôver d' Cipro* 'n sui cavei!
- J' eve imità 'l Ballila Genoveis,

 Che, stouffi d' portè 'l peis

 D' una Nassion odià,

 L' ha sbarajà j' Alman a colp d' prassà!
- Anfin cos l'eve fait? J'eve firmà
 Sui bastion d'la Sittà,
 Ch'an ricorda un Dessaix, Mareng salvà,
 Vocchieri fusilià,...
 L'eterna fondassion

D' Sent bocche da Canon!

Bravi... fratei! iv meriti dabbon
Ch'im gava 'l me capel
Mes mia lontan pr'un pensament si bel!
E lo ch'am fa grignè
Bsogna savei ch'a l'è coul gran penssè,
Ch'una partía grandissima 'n-mascrà
D' Codin sensa pietà,
Ch' lassrio cherpè so pare 'n mes d' na strà,

Pr'un certo qual secret,
Ch'i taso pr rispet,
A l'han d'co lour firmà
L'indigesta pr lour sottoscrission
D' Sent bocche da Canon,
Con coussta variassion:
Che i Liberai l'han dait lo ch'l'han podù
Pr cautelè 'l progress d'la civiltà;
Mentre i Codin, la moutta ch'l'han spendù
Pr'i Sent Canon, d'la tasca a l'han gavà
Con tuta la speransa concertà
D' dovreie bin na seira o na mattin
Adoss ai Libertin...

- Coust eco di Canon l' ha ribombà
 An Svissera, ant la Spagna,
 An Franssa... e drint l' Almagna,
 An Inghilterra,... avend partecipà
 A na dimostrassion sì nassional,
 Nen soltant coui ch' a stan drinta 'l Stival,
 Ma fina j' esilià,
 Nostri fratei sgrassià,
 Che l' obolo d' co lour a n' han mandà,
 Da noui di mila mia separà!
- Coul farceur d'un Franseis guasta-mesté.

— Sossi veul di' ch'i sgnouri Subalpin

Una bela mattin

Daran sicur la man

Al Popol Italian

Pr rissorge glorious sout NOSST SOVRAN!

Oh sì! L'è temp alfin...

Che 'l Popol Subalpin

No bela veta impara

Na bela vota impara Che deurme trop l'è lò ch'a lo busara! Ch'a l'è temp d'durvì j'eui...

De 'n po' d'educassion ai propri fieui... Senssa superstission! Lontan da coui caplon.... Ch'a veulo 'l mond bouric, la gent d'asnon, Immers fra tutti i vissi. Fra mila pregiudissi, Senssa servel, senss'anima, spiantà Con na coupa a la man angenoujà S' la porta d' j' Epulon d' nostre Sittà (Ch'i n'ouma 'n quantità,) Pr'un baracchin d'faseui pr carità! - Oh! povra umanità! Oh! t'eri propi fresca ant coula età! Dove i nostri pruccon con d' boulonà A tento ancoura d'arculete là... Ant coui bei temp d'j'inquisitour d' Sivia Che 'l Diavo finalment s'è portà via! - Ma, ringrassiand NOSSGNOUR, a son passa Coui temp! Ed al moment a va peui dita.... Tutti i sabron antic' l' han cambià vita! Sour Progress I ha rangià La baracea d' coust' mond mal tapassià! (Ch' l'avria ancora bsogn d'n'autra martlà.) - Cari amis patriot,... bravi fratei,.... La cosa l'è parei! Lo ch'a va dit, va dit. Soura vrità A l'è na brutta dona Ch' l' ha mai piasù ai gianfoutre d'ogni età... Sta fomna barivela, un po' sfrontà, L'è sempre innamourà Di poeta farceurs,... D' coui là che: - nè 'l pericoul, nè 'l maleur L' ha mai cambiaje 'l cheur. — D' coui omni come mi, Ch'a vivo sansouel, Stouffi d'I mond, da soui, ma sempre ardi, An mes a soa famía, Discorrend coi so fieui an poesía.

— Ma tornand ai Canon, bsogna convni
Che n'apparato tal farà sburdì
Souri Toudesc ch' l' han veuia d'avnì sì
An agiut di Codin che neuit e dì
A piouro coui bei temp ch'a son passà,
Dove j'antic Bassà
L'ero padron, spassgiand pr le contrà,
Mes mia 'n lontananssa
D' pretende a brass duvert d' le gran caplà.
Coul temp a l'à chernà l tornrà mai nì

- Coul temp a l'è cherpà! tornrà mai pì, Perchè tornè andarera a coul mond li I Piemonteis d'adess a peulo pi! NOSSGNOUR ch'a l'è un sant'om, un brav papa, Se un dì l' ha permettù che sti Bassà An tratteiso da Alman senssa pietà, A l'era perchè Chiel l'avia ordinà (Sperimentand così nostra passienssa Ant Soa incomprensibil gran sapienssa) Che un temp sì indiavolà Podía nen durè n'eternità,... Ant n'epoca ch' le serve e i cusinè (Sti Eroi d'I potagè) L' han concorrù fin lour coi propri dnè A fonde i Sent Canon, Che di slanss Piemonteis vers 'I progress

Saran pr nostra gloria 'l Panteon....

— NOSSGNOUR, an Ciel settà
Sul magnific, etern so gran soffà
D'un vlù ricamà d'or, d'diamant broccà,
Dal finestrin privà d'so gabinet,
(Bariccole sul nas)
Mentre ch'a sbircia a cas
Le ballade d'noui aitri foutrichet,
Pi pcit d'un millionesim d'na furmía,
Oh! quant dovrà grignè,
Vedend la smens umana a tapassiè
Così da mat j'affè d'la nostra ca
Ant coust mond sì badola e faffiochè,...

J'un marciè ananss e j'aitri marciè andrè! E vedend che 'l progress l'è sempre 'n guera Seira mattin col maledet regress, Come Giove scadù farà l'istess, Ch'a stava sgrignassand con tutta gioja S' la guera d' la gran Troja, Com neutro spettatour d'l'ira d'Giunon, Ch'a l'era montà 'n bestia Con Venere p'1 pom d'un bel garsson; Lassand ai Piemonteis le soe rason Ch'ass i fasso valei coi Sent Canon ... - A n'eco intant sì fort d' Patriotism A l'è vnù giaun e verd 'l codinism! I pais d'I Piemont, le gran sittà, La Sardegna sul colp ass'è associà A l'Eression d'un somigliant Baluard, Ch' le nostre libertà Dovrà protege forse prest o tard!!!

Quand sonrà la fatal oura
D'esse 'n brando al gran riscat...
Italian,... saromne ancoura
Disunì com d'ean e gat?
Se tra noui a ritornrà
La discordia d'j'ann passà,...
A ronfran i Sent Canon
A profit di vei pruccon!

Oh! fintant souma dsaccorde
Fra d' noui aitri,... ste sicur
Ch'an cessran giammai dal morde,
E nosst pian l'è mai madur!
Fin che j'omini d' talent
S' faran guera giornalment
Con d' le piume anvelenà,...
Nostra causa l'è souttrà!

Pr'esse fort... bsogna 'mbrassesse,

Desse man, fesse compat;

Italian,... bsogna speciesse
Sui Codin spantià p'l stat!

Guardè un po' che group sarrà
Lour a strenso ant le sittà?

Come a son tra d' lour amis
Pr grignene sui barbis?

Giù superbia! abbass l'invidia!
Compatimse i nosst diffet!
Ch'ai sia niente ch'an fastidia
Pr raggiunse 'l gran proget!
Na spartana educassion
Ai nosst fieui, basà s' l'union...
Sarà soul lo ch'a peul fè
Nostra causa trionfè!!!

willo bugiarde papila a emperedino congruries maidette alla luis lignora chemai mai ? hemmo e cho ella infittaala d'untificille a forgeri logging o grange muntitive si credette Allenho to to ho fenger dello tallo il bone det monde of ella ardifectac garlo 10 les most a con trais logs the upuali Stampale chefucto ingratamente pli avra ? a forther trattro frigie of ago dimenticatione conferon a copie por rain mentar gliet Poro now mistry iteo che ella suglia eredere piattople ad una bugiarea force cheries achi fulodo de anche efferoff profesivel few fervisora

achi fulodo de anche efferoff profesivel few fervisora

achi fulodo de anche efferoff profesivel face un few for the

atali, loreni de the callo, como fece se fala Salariale Doillans uma relle gragie pregarles repregarlas afu a mangiare due chiefferto amanto prollego ementer v treofer ve grovanno no gro canores of a well Mes House tervolle More mortano que il 12 11 4 mente in onorationo, ne la



